

محراب

اقتصادی ، اجتماعی ، فلسفی ، تاریخی ، ادبی مجموعہ در

شیدیلک اون بش کونده نشر اولنور

مقدمہ جات

- اسلام « ادوار مونته » . ۱ . **ایمان و طریقت** م . شکیب **۱۳۳۹**
 عاصی « اجتماعی حکایہ » **سکینہ و خوشترن** جامی **۱۳۳۹**
 عبدالحق حامدک بکک غیر منتشر مکتوبلری ذلیل خالد **۱۳۳۹**
 اوفاق برنظرم « افغانستان » عبدالرشید ابراہیم **۱۳۳۹**
 وضوح سزلق « الہیات فا کولتہ سی مناسبیلہ » محمد علی عینی **۱۳۳۹**
 اورتا آسیادہ تورکمن « تورکمنلرک دینی » علمی ضیا **۱۳۳۹**
 شیخ سہروردی حیاتنک صوکلرندہ یوسف ضیا **۱۳۳۹**
 حی بن یقظان « ابن طفیلک فلسفی رومان » رشید **۱۳۳۹**

سراب : قدربہ حسین — شرق : ملیحہ نوری — غزل : روحی — غزل : جمیل رافت —
 یگی نشریات ، قرآن ترجمہ لری ، آنادولی مجموعہ سی : شرف کاظم . **۱۳۳۹**

شہزادہ ہاشمی : اوقاف مطبعہ سی

۱۳۴۰ — ۱۹۲۴

اولاجق بر شیدر. مثلاً بو طریقت منتسبلری صنعی بر صورتده وتجده واصل اولمق احتیاجیه ذکر، ورد کبی بر طاقم میخانیکی ادمانلری ایجلا ایتدیلر و بو حرکتلرک غیرمعین تکرارلریله بشری شخصیتی رفع وتلقین بذاته ایلهده تدریجاً شخصیت الهیهده فنا بولمق ایسته دیلر.

اسلام عالمده طریقتلرک اکثریتله اجتماعی و سیاسی مهم تأثیرلری اولمشدر. تشکیلاتلری پک بسیطدر. بر طریقته منسوب اخوانلرک مطلق بر ولایتی حائز بر شیخلری و شیخکده «خليفة» و یا «نائب» دینلن بر وکیلی واردرکه بو، شیخک ولایتی اوزاق مملکتلرده تمثیل ایدر. خلیفه لرک آشاغینسده طریقت انقسام ایتدیکی زمرة لرک باشلری اولان «مقدم» لر واردر. بونلرک مادوننده «درویش» لر کلیر.

طریقته ایلك کیره جکلر «مقدم» لر واسطه سیله و شیخک بونلره ویردیکی اجازتله واقع اولور. شیخه تسلیمیت «غسالک آلری» آراسنده کی موتا کبی، اولاجقدر.

دارالفنون روحیات مدرسی

— بیتمه دی — مصطفی شکیب

اسکی بردفترک یاراقلمده

خطبه

عاصی

فیرطنه لی بر کیجه نک ایرته سی ایصلاق بر صوک بهار صباحی ایدی. سیسله دولو کوک یوزینک آجیق کولرنکی، کیرلی چهره سی اوزرنده قوپوسنجابی یولوطلر اوزون اتمکلریله داملره سورونه رک بر ماتم آلائی کبی غریبه دوغرو قوشیورلردی. ساحلک قایاقلرنده پارچالانان آوغین دالغه لرک دریندن کلن اوغولتیلری، فیرطنه نک آغاچلردن، اولرک صا چاقلوندن چیقاردی ایصلیقلر بر برینه قاریشیوردی، آرتق فیرطنه نک قوتی کسيلمش، درمانسز صوک حمله لرینی یاپیور، داللرک اوزرنده بونی بو کولمش تک توك صاللان صوک یاراقلری قوبارییور، اوچورییور، داملرک کنارنده متردد صاللان دامله لرله قاریشیق صاورویوردی. طبیعتک کلینک سوسلری سواقغک چامورلری ایچنده، آیاغک آلنده ازیلیور، قسوتلی چیتردیلرله لیکلیورلردی. یارقک آغاچلری چیملاق قوللری کولکره دوغرو شکایتله اوزاتمشلردی. اوبونلری کوردمیور، بوتون کیجه بی باشنده اویقوسز کچیردیکی نوش یاتاقدن برگون

اول صوك يولچيغە چىقان ، كىزلى ، خان آديملرلە ياقلاشان ظالم اولومك كوتوردىكى تازە كوزل قادي دوشونيوردى .

بودوشونچە بولى اوئى صباوتە قدر كرى سوروكلە يوردى: آنەسنى باباسنى بىلىم يوردى؛ يىتمەخانەك بويوك برقولوچقە ما كەنسەنە بىكزەين كىنىش و صوغوق يتاقخانەلرندە ، دستكاھلرندە يىتىشىمىشىدى . جمعيت بشريەك سفىل و بى نصيب قىسمى تشكىل ايدەن ا كثرىت مەدورەنى تزيىد ايچون دارالايىتامك ھەرسەنە قالدىرم اوزرىنە دوكدىكى كىنجلەرلە برابر ، خىسراىلەرلە دولو اولان حيات مبارزەسەنە آلمىشىدى . ابوئى شىققىتىدن ، ئالەھامبەسەندىن محروم بويويان ھەرچوچوق كىبى كوچوك ياشىنىدىن بىر جمعيتە قارشى قلىندە طوغان كىن و غرضى حسلىرى كىنجلەكەندە ايچنەدوشدىكى بىكى مېخىطەدە داھاقوت و شدت آلەرق انكشاف بولمىشىدى . جمعيت اونك نظرنەدە ياغما كر ، غاصب برصنف غالىھەك مەنفعەتنى تامين ايچون ايجاد اولمش شىطانى بربدىعە ايدى . يارى آچ يارى طوق چاليشدىرلدىنى دستكاھلردىن ھەر آقشام عملە محلەسەك حيوان آخورلرىنە مشابە تر و چوروك كوسلە قوقان اىزبەلرىنە دوندىكى زمان دارالايىتامدە آلدىغى ايلك تحصيلنى الە كچرە بىلدىكى كىتابلەرلە توسىعە چاليشمش ، علم و عرفانك صنوف ممتازىيە بىخىش ايتدىكى تفوقى بو صورتلە قازانەجغى و انسانى او موقە سوق ايدىن آلتون باصاماقلى مردىودىدن طيرماناجغى اميد ايتمىشىدى . بويولك دە ياكلىش اولدىغى آلامقەدە كچىكمە مىشىدى . دوغدىغى بشىكە كورە انسانلەر حقار و نعمتلىر توزىع ايدەن نظام اجتماعى آنحق پك آزا ستىئالەرە مساعد اولدىغى واو قلەئە مەلادە دوغانلرك ، ايجرىيە نادراً ديوارلرى آشارق كىرنلرك دىشارىدەكى ا كثرىت سفىلەيە قارشى قاپىلرى پك صىقى قپادىغى كورمىشىدى .

دائىى حرب چالندە ياشامغە محكوم اجتماعى صنفلردىن ھانكىسى غلبە ايدرسە ايتىسەن تحكم و صويغونچىلىقدىن عبارت اولان اساس دە كىشميوردى؛ بو فاسد مبنای اجتماعىدن نفرت ايتمش اوئا قارشى عصيان ايلە مىشىدى .

مدىتەك مدار افتخارى اولان معظم بلەلرك سىنەلرندە و مادى رفاه و سعادتى مذهب قەلرى آلتندە جمع ايدىن سرائىلرك ، كاشانەلرك يانى باشندە بارىنان مىليونلرچە بى نصيب كروە اسافلدىن مركب انسانلق چركابى ايچندە كچىردىكى نىم ھېمى كىنجلەك حياتەك ايسلى خاطرەلرى ، اوزاق و عذابلى كىچەلرك كابوسلرى كىبى ، شىمدى تفرعاتنى تاماماً سچەمدىكى قورشون كىبى آغىر شىلردى . يالكىز بولال ظلمات آراسندە كوزل و كورپە قاديغى طانىدىغى كوندن

باشلايان خاطر مئزى جانلى برسلسله حالده ياشيورلردى . برابر ياشادقلىرى انسانلق مرتبهسى
ايچنده كنج و كوزل قادين چاموره دوشمش صارى بركل كې مادي وروحي كوزلكنى
مخافظه ايدە بيلمىش كزیده . بر مخلوقدى . چو چوقلغندن برى محروم اولديغى شفقنى ، حياتىك
فصل ربيعندە طاتمىش اولديغى روحي بر ذوقى اونده بواش ، ياشامق مبارزه سنك مرحمتسز
صدمه لرى آراسنده هر سنده له ياشده اونا دايانمشدى . حيات بايرىك تاشلى وديكنلى يولنى
يورغون آرابه بار كيرلى كېي بر برينه دايانه رق چيقمىشلردى .

كنديسى هر درلو راحتە ، سعادته لايق كوردن ؛ خودكام خيالارله دولو كنجد كنك
محروميتلر ، خسرانلرله كچن قارا كونلرنده يكانه تسليه سى آنجق اوقادىندى . جمعيتك ظالم
چرخى ، باشقه لرىك راحتى وسعادتى ايچون كنديسى ازديكنى ، كيكلىرىنى قيرديغنى حس
ايتديكى ، يوروجى كونلرك آلام متاعيله كوپوره رك بومروقلر تى صيقديغى بحرانلى دقيقه لرندە
قادين اونى سينه سنه چكر و يوموشاق پارماقلىرله صاچلىرىنى اوقشار ، كنديسى بوغان
حقسز لقلره قارشى روخنده كوكره ين يير تيجى قاپلانى بياض كو كسندە تسكين ايدر ، اويوتوردى .
فلاكتلر ، خيال سقوطلرله دولو حياتنده آرتق بوتون وارلغىك معناسى يالغىز اولمشدى ؛
اونكله واونكچون ياشاردى .

شىمدى قاين اولومله اوزون واشكنجهلى بر مجادله دن صوكره كيتدى ؛ اولمه مك ،
آيريلماسق ايچون بوينه صاريله رق ، وجودىك بوتون قوتيله ظالم اولومله اوغراشه رق
چاليشدى بونكله برابر اوقوللرى آراسنده اولدى ؛ كوزلىر بونا اينانه ماممشدى . او كنج
و كوزل قادين ناصل اوله بيليردى ، بوئى كيم ياپيوردى ؛ ياشامق ايچون كافى قوتى وحقى
ويرد كدن صوكره اونى اولدير مك بونه آ كلاشيلماز بر ظلمدى .

اولونك باشنده كچن اوزون قارا كلق كيجه ده اونا كوزلىرى ديكمش اويانماسنى
بكله مشدى . جنازه نك آردندن كيدر كن يته اونكله برابر ياشانمش صوك دقيقه لك هنوز
جانلى خياللىر ايچنده سوروكتمىشدى . آنجق تابوتى اسرار انكيز ظلماتى ايچنه چكن
قبرك ، ذيوى حياتك اوتە سنده كى عالم مجهولانك مدخلى او كنده مدھش حقيقى آ كلامشدى .
ايشته او دقيقه شىمدى يه قادار كنديسى ازمكدن باشقه بر ايسلكنى كورمديكى بو عالمده
حقيقه كيمسه سز ، تسليه سز قالمش اولديغنى كورمىشدى . اطرافنده كى اشيا وانسانلر كوز
قپاقلر تى دولديران ياشلرك آرمىندن بولانيق ، آ كلاشيلماز ماهيتلر آلهرق تتره شمكه

باشلادینی زمان ، او آنه قدر قوپه جق کچی کرکین دوران یوزینک عضلاتی تتردهش و حیانتک بوسوک ضربه سی آلتنده زبون و عاجز مزارک یانته یوارلاشمیدی .

ضعیف لامبه سنک تترهک ایشیق لریله منور یاری قارا کلک اوداسینده ، بوش یاتاغک باشنده کچن ایکنچی کیجه سی داها مدهش اولمشدی . اونی بیهوده چاغیرمش ، آرامش هرشیده بوتون اشیاده اونی تکرار کورمک ، تکرار باغیرینه باصمق ایچون بر مجنون کچی قوللری آجیق چیرینه رق دوئمیشدی . فیرطنه دیشاریده کوکاری یرلره قاریشدیران قودورمش حمله لریله پنجره لری دیوارلری زورلار ، قاجیلارکن او بوقورقونج حقیقته قارشى روحنک بوتون قوتیله عصیان ایتمشدی . یاری قارا کلک کوچوک اودایی دولدوران اشیاده اونی آرامش ، جانسز ، حسسز مواددن اونی ایسته مش ، زورلامنر و صوکره مغلوب یالوارمش ، دینلمشیدی . یأس و تهوری ایچنده چوقدنبری متروک دوران توزلو کتابلری ، کنجلك روحنک یکانه آشنالری کوزینه ایلشمش و کندیسنی آلداتان او خائردن انتقام آلمق ایستیهن بر حمله ایله تکنک سرنی کشف ایتمش کچی غرورله یوزینه صیریتان او یازیلری برر برر یره چارپمش ، آیاغیله چیکنه مش و نهایت عاجز و مغلوب کندیسنی بوش یاتاغک اوزرینه یوزی قویون آتمش ویارالی بر بوغا کچی ایگله مشدی

آرتق کندیسی ده اولمکه ، بوش حیاته نهایت ویرمکه قرار ویردیکی زمان صباح اولمشدی . درمانسز تترهین باجقلرینک صوک قوتی صرف ایدهرک ادراکسز بر ماکنه کچی یورومکه باشلادی . شیمدی ازلی حیات قانونه قارشى ده عصیان ایتمشدی ، اولمکه کیدیوردی . برکون اول جنازه یی کچیردکلی یوللری تعقیب ایدیوردی . بارقلک اوکنده کی میدانی کچدی ، صوله دار بر یوله صاپدی . مزارلغک اوکنه کلشیدی . قاپی بی ایتهرک ایچری کیردیکی زمان برثانیه تردد ایچنده دوردی . مزین یالیزلی مزارلرک آراسینده ، یاغمور اینجیلریله سوسلنمش چاملرک اولمز یشیللرکری آلتنده تازه بر طوپراق کومه سی واردی . دیشاریده درجه درجه شدتی آزالان فیرطنه نک ، صاغناقلرک مقبره یه یقین قیالقلره چارپان دالغهلرک کورولتولرینه نظراً اوراده نیی بر سکون حس اولیوردی . آغاچلرک اوزرندن معبدک معظم قبه سی ، قالین دیوارلری ، قارا کلک پنجره لری کورولیوردی . بر آن نظری قبه یه ، چوقدنبری اونوتدینی او بنایه دیکیلدی . انسانلرک مقبره معبدی بربرینه بوقدر یاقین باپمالرندکی سیری کشف ایتمه چالیشیر کچی بر آن دوزدی دوشوندی

صوکره مزارلرک آراسندن سنده لیه رک کچدی . طوبراق کومه سنک یاننده یوصون قابلامش اسکی بر مزارک مرمری اوزرینه بیقلدی . صاغناق اطرافدن طوبلادیغی صولونون یاپراقلی دیوارک کنارینه بیغمش مزارک اطرافه صاحچشدی . طبیعتک کنجلاک سوسلری ، زواللی یاپراقلر اوراده بر آووج قارا طوبرق ، کوبره اولق اوزره بریکمشلردی . دون مزارک قارا ورطوبتلی چوقورینه ایندیردیکی تازه قادین ، چامورلر ایچنده سوریکله ن ایلک بهارک یشیل سوسلری ، بوتون او کوزلکلر یارینکی یکی حیاتی دوغوره جق اولان طبیعته غدا اولیوره . ومادر ازلی دوغوره ق ایچین جوجقلریغی سیوردی .

بو قورقونج حقیقت قارشوسنده عاصی روحنک باغیر مق ، سومک وهیچ ولمازسه بو قدر جق اوج آله بیلیمک احتیاجنی تطمین ایچین یکیدن آجیلان آغزی مزارک بر آووج طوبراغنده بلیره ن مکونانک لایتغیر عظمتلی سیاسی اوکنده عاجز ومغلوب قاپاندی . لال وایکم نظری او طوبراغه مرکوز ، دوکدی قالدی . شیمدی ، داها سکون ایله دوشونیوردی : یانان قاورولان ، توتن ، گول وتوز حالنده صاورولان ، اولهن بر آووج چامور اولان بوتون کوزللاکلرک یاواش یاواش قاریشدیغی ، کندیس کی دوشونمش ، الم چکمش ، آغلامش بیکلرجه وجودک انقاضندن ترکب ایدن هر ذره سی کوز یاستیله ، قانله مشبوع اولان بو طوبراقده نه تطمین اولنه مامش یالیزلی خودکاملقلر یاتیوردی .

اودت ، یارین ، ایلک بهارک فیضیله دوغره جق زمین چنلرک ، نازنین چیچکلرک شوخ ونورلو خنده لری ، بزى یاشاتان وداها یاشامق ، قابل اولدیغی قدر یاشامق ، اولومک اوته سنده یاشامق احتیاجنی ویره ن ویا شامق ارشک قیرباجنی صیرتمزده صالایان اوبویوک وازلی خودکاملغک انقاض پریشانندن وجود بولاجقدی .

بر کل قدر کوزدل ، بر چیچک قدر کورپه ، نازلی قادین ده اولومله اوزون بر جدالدن صوکره اونک قورقونج نچه سنده مغلوب بوینی بوکشدی . اولمک ، یوق اولق اونجه چیرکین شیدی . . . کوزلری ایسته میهرک چاملرک یشیل یاپراقلرینه دیکیلیوردی . یکدیگرینه ضد حساس وفکرلرک تحت تأثیرنده هیچ بر نقطه یی تثبیت ایدمه میهرک ساعتلرجه قالدی . اولومله حیات ، ظلمتله نور بورغون دماغنی حکملری آله المق ایچون چارپیشیوردی وجودنی بویوک بر کسیکلک قابلامشدی .

اولمک کنج وکوزل قادین کی ابدیت قاریشمق ایسته ن محاکمه سنه ، اراده سنه قارشى روحنده یاواش یاواش اویانان ، کپتدکجه قوتلنن ویوکله ن درونی برصد : یاشامق

کریه لر و بسته لر

شرقی

تام اوج سنه چیلغینجه سنک حسنکه طاپدم
سومکمی کناهم سکا بیلیم که نه یاپدم ؟!
عشقکه بوسوکمز بوسیاہ یوللره صاپدم
سومکمی کناهم سکا بیلیم که نه یاپدم ؟!

* *

قلبیده فراق روزکاری برسام کی اسدی ،
دنیاہ بنی ربط ایدہ جک باغلری کسدی
عشقکه یشاردم بکا عشق که نفسدی .
سومکمی کناهم سکا بیلیم که نه یاپدم ؟!

ملیحه نوری ۳۳۸

چوق طاتلیدر ، دییوردی . او صدا
بیك درلو آقلردن قاچه بیلیمش ، بیك
فلاکت ایچنده حیاته بوتون قوتیلہ
صاریلہ رق یاشایہ بیلیمش میلیونلرجه
بطن اولکی اجدادینک سسی ایدی ..
طبیعتک عنادجی قیزغین ضربه لریلہ ،
کوک کورولتولری و شمشک لریلہ ،
زلزلہ لری و طوفانلریلہ اوغراشمش ،
ییلدی رملرک طوتوشدیردینی اورمانلردن
وحشی حیوان سورولریلہ برار
بوغوشه رق قاچمش ، اولومک پنجه سندن
قورتولق ایچون تتره بهرک ، سورو -
کلنه رک طاش قوغوقلرینه صاقلانمش

اولان اجدادینک دریندن قوپوب کلن سسینی ایشیدیوردی . بوسدا اداره سنه حاکم اولمغه
باشلامش ، کندیسینی سوروکله یوردی : یاشامق چوق کوزلدر . دییوردی ؛ اونى بکا
ویردکلى زمان بر نعمت کی احسان ایتمدیلر بر حق اوله رق طانیادیلر ، فقط بر وظیفه
اوله رق یوکلندیلر . نسلك ادامہ سی ایچون حیات چامورینی سن ده صو کنه قدر یوغوره جقسک
دوغمق یاشامق و دوغورمق قانوننه قارشى عصیان اولماز قالق اورایه ، مجروح
خودکاملقلریمک تسلیتگاهنه قوش ! بن آنجق اونى احیا ایدم رک هر قهره ، هر جفایه رغما
یاشادم

شیمدی کندیسینی سوروکلیهن ، عصرلرک بسله دیکی او موروو قوته متقاد اولمشدی .
معبدک بیکلرجه خسته ، یاره لی کوکلری طاشیمش فلاکتزده لرک آياقلریلہ آشینمش مرمر
باصاماقلرینی جیقیوردی . یوکسک بورمه لی دیرکلرک چرچیوه لنش ، نقشلی ، سوسلی
قاپسندن معبدک ایچی ، سرتکوینک نهایتسزدرینلکلری قدر اسرار انکیز هیبتیلہ روحنی
قابلامغه باشلامشدی . منکر و مغرور کنجلیکنک دائما قاچدینی بو تسلیه اوجاغی آرتق
کندیسینی مقاومت ایدلر بر جاذبه ایله چکیوردی . بر آن تردددن صو کره قاپی بی کچدی .
عالی ستونلر ، یوزلرجه کمرلر اوزرینه قونمش عظیم قبه آلتونلرله مزین احتشامی ایچنده ،

یوکسک پنجره لرك ضاچدینی توزلو ، بولانیق ضیالار منور ، یاری مظلم معبدك سمانی تشکیل ایدیوردی . زمینی اورتەن رنکلی مرمرلرك اوزرینه چو کدی . بو محتشم وابدی سهای سکوندن یاغان رحمت یاغمورینك اثری ذره لرندن حقه تسلیه سی دیله نیوردی . معبدده کیمسه یوقدی . جسم ستونلرك کولکه لری ، معظم کوشه لرك ابدیت قدر ساکن وقارا کلق درینلک لری آراسنده کوچولمش ، کوچولمش و شیمدی یه قدر ذیک دوران عاصی باشی آرتق کوکسک اوسته دوشمشدی .

بشرك خودکاملغنی تطمین ایچون بو معظم آبدە روحنی تأثیری آلتە آلیوردی : سیکیرلرینی صارصان عصیان فیرطنه سی شیمدی بربری قووالایان ایلیق کوزیاشریلە دینمکه باشلامشدی . اوده آرتق یاشامق ، ابدی یاشامق دنیوی حیاتك اوتە سنده یاشامق وکوزل قادینی اوراده بولمق ایچون سنە لردنبری قاچدینی ، کندیسنه قارشى عاصی یومروقلرینی صالادینی صنمك آیاقلرینه دوشمش اونك غضوب نظرلرینی یوموشامق ایچون عاجز و مسکین آغلا یوردی . بیکلرجه سنە اول معبودی اوکنده ایلک سجده یه قایانمش اولان جدا کبری ، اسکی انسان شیمدی کندیسنده یکیدن دوغمشدی .

اوانئاده معبدك کوچوک قاپیسی آچیلدی . زهد و تقوا ایله قورومش جهره سی ، حرکتسز کوزلرله راهب اوزون اتکنی سوروکلیه رك ایچری کیردی . هیچ صالانما یارق ، دیک اوزون بوی ایله یانندن برخیال کیی کچدی . راهبك قورو جهره سی ، دونوق و مرحتسز کوزلری اونی قورقوتدی . راهب صنمك اوکنده توقف ایتدی . قورقو و شبهه دولو کوزلرنده ، ماتمك درین ایزلرله چیزلمش یوزنده یالکز فلاکتك مغلوب ایدە ییلدیکی عاصی و منکری طانیدی . قوری ضعیف پارماغیله اشارت ایدە رك عاصی ، اطاعتسز قوله معبودك جحیمنی تیشیر ایتدی ، معبودك ازلی ییلدی رملرینی باشك اوستنده صالادی . راهبك انجه وریا کار دوداقلرنده منتقمانه برتسیم واردی .

جد اعظمك روحنده طنین انداز اولان درین سس اونی تحت حکمنده طوتیوردی . یاشامق ایچون هر شیئه تحمل ایتدی . راهبه ، عطاش غفران ایله قاورولان روحنك اضطراباتی استرحامکار بر نظره افاده ایتدی . معبود ایله عابدك آره سنده برسد حائل کیی دیکیلمش اولان و معبودك رحمت و غضبی ایستدیکی کیی تصرف ایدەن راهب اونك بو تذللانی کافی کور میوردی .

برآز اول روحنده یاتیشمغه باشلایان فیرطنه او آنده آغاچلری کوکندن قوباران ،
 ده ویرن ، هریشی بیقان ، ازمن واولدیرن شدتیه ، تهوریله یکیدن باتلادی . بوتون
 حیاتی زهرله ن تحکم بوراده ده قارشینسه چیقمشدی . حیاتنک سقالتلری ، اشکنجه لری
 اونو تمق ایچون ایجاد ایتدیکی بوتسلیه او جافی ده بشرک بوینته تغلب و تحکم زنجیری اولمشدی .
 حیاتنک یورغونلغی آلتنده ازیمش ، درمانسز ، مجالسز سورینه رک کلدیکی بودرگاه سکونده ده
 راهب معبودک ییلدیرملری باشنک اوزرنده صاللا یوردی . اونک ضعفی اوزرنده سلطنت
 قوریوردی . آرتق بردقیقه اول روحنه حاکم اولان جدا کبرک صداسی درینلره چکیلیمش ،
 ضعیفله مشدی ؛ اونی ایشیده میوردی . کنجکلکنک بوتون خسرانلریله بسله نهن عاصی روحی
 کوپوریور ، کوکریوردی . راهی کیجه کی کتابلر کیی یره چاریمق ، چکنه مک ، معبدی
 اوزرینه ییقمق و بو ریا و تغلب او جافی سوندیرمک و او یله اولمک ایستدی . یومروقلری
 صوک برتهور ایچنده صیقلدی ، جکرلرندن قوبان شدید برصیحه خنجره سنه طیقیلدی .
 راهب ، معبد ، صنم ، بوتون اشیا و موجودات مجنونانه بررقص ایله بربرینه قاریشه رق
 اوکنده دوندیلر ، دوندیلر ، دوندیلر برکله سرعتیه معبدک دکر قاپسندن فیرلادی .
 راهب یوکسک سسله دعالر ترنم ایدیور ، معبدک قبه و کمرلری درین براوغواتی ایله
 جواب ویریوردی . دیشاریده قایالره چاربان ، پارچالانان دالغه لرک کورولتولری اوزاق
 برایشلیک حاصل ایدیوردی .

*

* *

ایرتسی کون هوا آچیلیمشدی . کونش زمینه حیات و قوت ویرن شعله سنی صاچیوردی .
 قیالرک اوستنده اوزون قامشلرینک اوچنده کی کوچوک آغلریله اولانان بالقجیلر اولو
 دالغه لرک اوستنده یوزمن برجسد کورمشلردی . آچیق قالان متهور و غضوب کوزلرنده
 اولمز عصیان شیمشکلری دوکش قالمش کورینن بوجسدک حالا یومروقلری صیقیلی ایدی .
 قیضیق دیشلرینک آراسنده بیتیریله مه مش برکین و نفرت آوازده سی صیقشمش قالمش کیی
 ایدی .